

Na osnovu člana 13. Statuta Fonda za zaštitu okoliša FBiH ("Službene novine FBiH", broj: 33/06), a u vezi sa članom 10. Pravilnika o postupku objavljivanja konkursa i odlučivanja o odabiru korisnika sredstava Fonda za zaštitu okoliša Federacije BiH ("Službene novine FBiH", broj: 73/10), Upravni odbor Fonda za zaštitu okoliša Federacije BiH na prijedlog direktora, na svojoj 2. sjednici održanoj dana 27.07.2016.godine, a na osnovu provedenog Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2016.godinu („Službene novine Federacije BiH - Oglasni dio“ broj: 18/16, dnevnim listovima „Dnevni avaz“ i „Večernji list“ dana 09.03.2016. godine, kao i na službenoj stranici Fonda: www.fzofbih.org.ba) d o n o s i:

O D L U K U

o odabiru korisnika sredstava Fonda za zaštitu okoliša Federacije BiH na osnovu provedenog Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2016. godinu – JP 2016/1

I.

Pravo na korištenje sredstava Fonda za zaštitu okoliša Federacije BiH na osnovu provedenog Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2016.godinu, ostvaruju sljedećih 65 aplikanata:

LOT 1. Projekti zaštite voda od značaja za FBiH po Odluci Vlade Federacije BiH, ostvarilo je 7 aplikanata:

1. **Općina Lukavac** za projekat: „Izgradnja postrojenja za prečišćavanje otpadnih voda u Lukavcu“ sa iznosom do 308.000,00 KM,
2. **Općina Bosansko Grahovo** za projekat: „Izgradnja podsistema za vodosnabdjevanje Bosanskog Grahova sa izvorišta Gudaja na dijelu od izvorišta Gudaja do rezervoara Vrščić (komponenta 2)“ sa iznosom do 300.000,00 KM,
3. **Općina Orašje** za projekat: „Izgradnja kanalizacije otpadnih voda i sustav prijenosa za naseljena mjesta Ugljara i Donja Mahala“ sa iznosom do 300.000,00 KM,
4. **Općina Gračanica** za projekat: „Rekonstrukcija i proširenje sistema za prikupljanje i odvođenje fekalnih i oborinskih voda za gradsko područje Gračanice“ sa iznosom do 200.000,00 KM,
5. **Općina Velika Kladuša** za projekat: „Regulacija toka rijeke Kladušnice i dijela rijeke Grabarske – faza II“ sa iznosom do 300.000,00 KM,
6. **Općina Usora** za projekat: „Izvedba kanalizacijskog sustava Žabljak, Općina Usora“ sa iznosom do 300.000,00 KM,
7. **Općina Jajce** za projekat: „Građevinski radovi u sektoru otpadnih voda sa desne strane Vrbasa“ sa iznosom do 200.000,00 KM.

LOT 2. Ostali projekti zaštite voda od značaja za FBiH ostvarilo je 22 aplikanta:

1. **Općina Gradačac** za projekat: „Rekonstrukcija i dogradnja postrojenja za prečišćavanje otpadnih voda u Gradačcu“ sa iznosom do 300.000,00 KM,
2. **Općina Tešanj** za projekat: „Izgradnja kolektora BI (dionica II dio) na projektu odvodnje i prečišćavanja otpadnih voda na području Općine Tešanj (WATSAN)“ sa iznosom do 300.000,00 KM,
3. **Općina Livno** za projekat: „Glavni kanalizacijski kolektor za prikupljanje fekalnih otpadnih voda u naseljima Žabljak i Rapovine – faza I“ sa iznosom do 100.000,00 KM,

-
4. **Općina Stolac** za projekat: „Izrada elaborata za utvrđivanje zona sanitarne zaštite i zaštitnih mjera za izvorište vode za vodocrpilišta Klokun, Kozice I i II, Rotmilja I, II i III“ sa iznosom do 30.000,00 KM,
 5. **Općina Sapna** za projekat: „Projekat detaljnih hidrogeoloških istraživanja u cilju zahvatanja podzemne vode za naselja Općine Sapna, te izrada elaborata zaštite izvorišta utvrđivanjem zona sanitarne zaštite za ista“ sa iznosom do 32.000,00 KM,
 6. **Mareco d.o.o. Neum** za projekat: „Nastavak izgradnje kanalizacijskog kolektora fekalnih otpadnih voda i optimalizacija funkcije CS „Ćurilo-Neum I“ na priobalnom području Općine Neum“ sa iznosom do 100.000,00 KM,
 7. **Kemokop d.o.o. Tuzla** za projekat: „Prikupljanje, tretman i odvođenje otpadnih voda sa lokaliteta poslovnog objekta-skladište hemikalija, opasnog i neopasnog otpada firme Kemokop d.o.o. Tuzla u naselju Donje Dubrave“ sa iznosom do 70.000,00 KM,
 8. **Općina Bosanski Petrovac** za projekat: „Rekonstrukcija i izgradnja kanalizacione mreže Bosanski Petrovac i postrojenja za prečišćavanje otpadnih voda - I.faza (kanal F1-5, kanal F1-7, kanal F5R i kanal F5R-1)“ sa iznosom do 100.000,00 KM,
 9. **Općina Žepče** za projekat: „Desnoobalni fekalni kolektor sa priključkom na postojeći lijevoobalni kolektor duž rijeke Bosne – Općina Žepče“ sa iznosom do 100.000,00 KM,
 10. **Općina Novi Travnik** za projekat: „Fekalna kanalizacija za naselja Pećina i Ruda, Općina Novi Travnik“ sa iznosom do 50.000,00 KM,
 11. **JP Ukus d.o.o. Ključ** za projekat: „Rekonstrukcija dijela kanalizacione mreže u centru grada Ključa“ sa iznosom do 7.500,00 KM,
 12. **Općina Sanski Most** za projekat: „Uspostavljanje infrastrukturnih kapaciteta u cilju zaštite voda, prikupljanja, odvođenja otpadnih voda – faza I.“ sa iznosom do 60.000,00 KM,
 13. **Općina Pale- FBiH** za projekat: „ Izgradnja glavnog kolektora kanalizacione mreže u naselju Prača – faza II“ sa iznosom do 200.000,00 KM,
 14. **JZU Centar za fizikalnu medicinu i banjsko liječenje Ilidža** za projekat: „Zaštita bunara B6 na izvorištu termomineralne vode Ilidža, Gradačac“ sa iznosom do 12.000,00 KM,
 15. **Općina Kakanj** za projekat: „Izgradnja kanalizacionog sistema u slivu rijeke Trstionice – faza II.“ sa iznosom do 100.000,00 KM,
 16. **Općina Banovići** za projekat: „Projekat detaljnih hidrogeoloških istraživanja podzemnih voda za potrebe vodosnadbjevanja grada Banovići“ sa iznosom do 90.000,00 KM,
 17. **Općina Breza** za projekat: „Ucjeljenje potoka Jasike – faza I. (dionica II) Općine Breza“ sa iznosom do 40.000,00 KM,
 18. **FAH-Kožar d.o.o. Visoko** za projekat: „Glavni projekat za postrojenje za prečišćavanje tehnoloških otpadnih voda tvornice za obradu koža FAH-Kožar d.o.o. Visoko“ sa iznosom do 50.000,00 KM,
 19. **Općina Srebrenik** za projekat: „Izgradnja kanalizacijske mreže u naseljima Duboki Potok III i Bjelave“ sa iznosom do 57.000,00 KM,
 20. **Općina Travnik** za projekat: „Uređenje izvorišta Bašbunar i saniranje gubitka vode na izvorištu i dijela cjevovoda“ sa iznosom do 52.000,00 KM,
 21. **Općina Kreševo** za projekat: „Nastavak projekta izgradnje rezervoara Orunj“ sa iznosom do 14.000,00 KM,
 22. **Općina Gračanica** za projekat: „Zaštita dijela kolektorske mreže i regulisanje korita rijeke Sokoluše u Gračanici“ sa iznosom do 50.000,00 KM.

LOT 3. Projekti i studije u cilju ispunjavanja ciljeva Federalne strategije zaštite okoliša ostvario je 20 aplikacija:

1. **Smart Up d.o.o.** za projekat: „Studija uticaja na okoliša devastiranja prirodnih populacija smilja nekontrolisanom eksploatacijom na prostoru submediteranske Hercegovine“ sa iznosom do 15.000,00 KM,
2. **JP Olimpijski bazen Otoka d.o.o. Sarajevo** za projekat: „Izrada projektne dokumentacije za projekat sistema za dobijanje toplotne energije solarnim kolektorima na Olimpijskom bazenu Otoka, Sarajevo“ sa iznosom do 28.000,00 KM,
3. **Općina Čelić** za projekat: „Izrada elaborata zaštite izvorišta na području Općine Čelić“ sa iznosom do 46.000,00 KM,
4. **JU Zaštićeni pejzaž Konjuh** za projekat: „Studija ocjena stanja uravnoteženosti i mjere zaštite biodiverziteta na području zaštićenog pejzaža Konjuh“ sa iznosom do 20.000,00 KM,
5. **Ministarstvo za građenje, prostorno uređenje i zaštitu okoline USK** za projekat: „Plan zaštite kvaliteta zraka i izrada registra emisija u zrak za USK“ sa iznosom do 20.000,00 KM,
6. **Kantonalni zavod za zaštitu kulturno-historijskog i prirodnog nasljeđa Sarajevo** za projekat: „Revitalizacija postojećih zelenih površina centralnog gradskog jezgra sa prijedlogom uspostave novih u skladu sa aktuelnom provedbenom planskom dokumentacijom“ sa iznosom do 10.000,00 KM,
7. **Općina Travnik** za projekat: „Izrada elaborata o zaštiti izvorišta Ugrić“ sa iznosom do 16.000,00 KM,
8. **JKP Vodovod i kanalizacija d.o.o. Sanski Most** za projekat: „Zaštita EPP izvorišta Zdena, uključivanjem neophodnih 100 l/s vode iz izvorišta Dabar u vodosnadbjevanje Sanskog Mosta“ sa iznosom do 30.000,00 KM,
9. **JU Prirodno-matematički fakultet Sarajevo** za projekat: „Identifikacija i prostorna distribucija polutanata u zrak u Sarajevskoj kotlini – aktuelno stanje i mjere ublažavanja“ sa iznosom do 35.000,00 KM,
10. **Prvi TV d.o.o.** za projekat: „Zelena javna nabava – Poticanje javnih tijela FBiH putem dokumentarnog filma na kupovinu zelenih proizvoda i usluga“ sa iznosom do 45.000,00 KM,
11. **Institut za saobraćaj i komunikacije d.o.o. Sarajevo** za projekat: „integracija vozila na električni pogon (elektromobila) u elektroenergetski sistem i njihov uticaj na poboljšanje kvaliteta zraka dijela grada Sarajeva“ sa iznosom do 50.000,00 KM,
12. **Općina Čapljina** za projekat: „Idejni projekat – Odvođenje otpadnih i oborinskih voda gradskog područja Čapljine“ sa iznosom do 30.000,00 KM,
13. **Općina Srebrenik** za projekat: „Izrada idejnog i glavnog projekta uređenja za tretman otpadnih voda za naselja Duboki potok, Bjelave i Ljenobud – anaerobni sistem“ sa iznosom do 15.000,00 KM,
14. **Općina Maglaj** za projekat: „Izrada elaborata-Katastar objekata vodosnadbjevanja Općine Maglaj sa prijedlogom sistema organizacije, nadzora i reagovanja u kriznim situacijama“ sa iznosom do 25.000,00 KM,
15. **Jedinstveni općinski organ uprave Općine Kladanj** za projekat: „Izrada glavnog projekta rekonstrukcije gradskog vodovoda Starička rijeka u Kladnju – etapa rekonstrukcije transportnog cjevovoda i povećanje kapaciteta rezervoarskog prostora i rekonstrukcije mjesnog vodovoda Stupari selo u naseljima Stupari selo, Dubrave, Plane u MZ Stupari, Općina Kladanj“ sa iznosom do 15.000,00 KM,
16. **Općina Doboju Jug** za projekat: „Izrada glavnog projekta sekundarne kanalizacione mreže otpadnih voda na području Općine Doboju Jug“ sa iznosom do 10.000,00 KM,
17. **Općina Kreševo** za projekat: „Izrada elaborata sanitarne zaštite i zaštitnih mjera sa izvorišta na području Općine Kreševo (10 izvorišta)“ sa iznosom do 20.000,00 KM,

-
18. **Općina Vitez** za projekat: „Izrada idejnog rješenja i glavnog građevinskog projekta kanalizacionog kolektora u MZ Kruščica, Općina Vitez“ sa iznosom do 20.000,00 KM,
 19. **Općina Banovići** za projekat: „Glavni projekat daljinskog grijanja za gradsko i prigradsko područje Općine Banovići“ sa iznosom do 40.000,00 KM,
 20. **Ministarstvo za urbanizam, prostorno uređenje i zaštitu okoline BPK** za projekat: „Izrada studije sa programom razvoja i formacijskog sistema o otpadu na području BPK Goražde“ sa iznosom do 10.000,00 KM.

LOT 4. Projekti u oblasti upravljanja otpadom ostvarilo je 16 aplikanta:

1. **Općina Grude** za projekat: „Izrada investicijsko-tehničke i okolišne dokumentacije za izgradnju reciklažnog centra s pretovarnom stanicom “ sa iznosom do 30.000,00 KM,
2. **JP Komus d.o.o. Gračanica** za projekat: „Integralno upravljanje otpadom na području Općine Gračanica –faza IV. – selektivno odvajanje otpada od strane domaćinstava na području Općine“ sa iznosom do 60.000,00 KM,
3. **JKP Komrad d.o.o. Bihać** za projekat: „Nabavka opreme za reciklažno dvorište JKP Komrad d.o.o. Bihać“ sa iznosom do 50.000,00 KM,
4. **Komunalno d.o.o. Stolac** za projekat: „Nabavka opreme za reciklažno dvorište za zbrinjavanje komunalnog otpada u Općini Stolac“ sa iznosom do 50.000,00 KM,
5. **Općina Busovača** za projekat: „Izgradnja i opremanje reciklažnog dvorišta“ sa iznosom do 50.000,00 KM,
6. **Općina Vitez** za projekat: „Selektiraj otpad na kućnom pragu (nabavka kanti i kontejnera) sa iznosom do 50.000,00 KM,
7. **JKP Vodograd d.o.o.** za projekat: „Proširenje usluge prikupljanja komunalnog otpada na području cijele Općine Prozor-Rama, nabavka i razmještaj kontejnera“ sa iznosom do 25.000,00 KM,
8. **JKP Radnik d.o.o. Zavidovići** za projekat: „Sanacija postojeće deponije komunalnog otpada Općine Zavidovići i izgradnja pratećih sadržaja prilagođenih regionalnom konceptu odlaganja otpada Dio projekta – Sortirnica sa pretovarnom stanicom“ sa iznosom do 100.000,00 KM,
9. **KIM TEC d.o.o.** za projekat: „Separator katodnih cijevi“ sa iznosom do 20.000,00 KM,
10. **Općina Breza** za projekat: „Izrada investiciono-tehničke i okolinske dokumentacije za projekat postepenog zatvaranja deponije i izgradnje pratećih sadržaja prilagođenih regionalnom konceptu odlaganja komunalnog otpada – realizacija II. faze izrade projektne dokumentacije za sanaciju deponije komunalnog otpada“ sa iznosom do 30.000,00 KM,
11. **Ceteor d.o.o. Sarajevo** za projekat: „Studija o unapređenju sistema primarnog odvajanja komunalnog i industrijskog otpada i iskorištenje njegovih korisnih svojstava u FBiH“ sa iznosom do 30.000,00 KM,
12. **Općina Kreševo** za projekat: „Nastavak projekta izgradnje zelenih otoka na području Općine Kreševo“ sa iznosom do 20.000,00 KM,
13. **Općina Čapljina** za projekat: „Eko zona“ sa iznosom do 15.000,00 KM,
14. **Općina Banovići** za projekat: „Nabavka posuda za otpad u okviru projekta proširenja područja organizovanog skupljanja i odvoza otpada“ sa iznosom do 45.000,00 KM,
15. **Jedinstveni općinski organ uprave Općine Kladanj** za projekat: „Uspostavljanje sistema primarnog odvajanja čvrstog otpada na području Općine Kladanj (nabavka kanti i kontejnera)“ sa iznosom do 30.000,00 KM,
16. **JKP Rad d.o.o. Ključ** za projekat: „Selekcija otpada na mjestu nastanka u domaćinstvu, nabavkom kanti za izdvajanje korisnog otpada“ sa iznosom do 20.000,00 KM.

II.

Sredstva iz tačke I. ove Odluke osigurat će se sa pozicije 614 000/ Tekući transferi i drugi tekući rashodi.

III.

Na osnovu ove Odluke zadužuje se direktor Fonda na sklapanje ugovora sa odabranim aplikantima, u kojima će se utvrditi iznos odobrenih sredstava, uslovi i način korištenja dodjeljenih sredstava, vremenski rok za realizaciju projekta, način plaćanja i kontrole namjenskog korištenja dodjeljenih sredstava, te ostala međusobna prava i obaveze korisnika sredstava Fonda.

IV.

Ugovori će se sklapati u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda („Službene novine FBiH“, broj: 73/10), Pravilnika o mjerilima za ocjenjivanje zahtjeva za dodjelu sredstava Fonda odnosno programa, projekata i sličnih aktivnosti („Službene novine FBiH“, broj: 73/10) i Pravilnik o uslovima i načinu dodjele zajmova ili pozajmica i drugih sredstava Fonda („Službene novine FBiH“, broj: 75/10).

V.

Odluka stupa na snagu danom donošenja.

VI.

Protiv ove Odluke može se podnijeti prigovor Komisiji Fonda u roku od tri (3) dana od dana prijema pisane odluke.

O b r a z l o ž e n j e

Fond za zaštitu okoliša Federacije BiH je, na osnovu člana 27. stav 1., člana 32. stav 1., Zakona o Fondu za zaštitu okoliša Federacije BiH ("Službene novine FBiH", broj: 33/03), člana 7, člana 34, stav 1. i člana 36. Statuta Fonda za zaštitu okoliša Federacije BiH ("Službene novine FBiH", broj: 33/06), Finansijskog plana i programa rada Fonda za zaštitu okoliša FBiH za 2016. godinu ("Službene novine FBiH", broj: 14/16), člana 5. Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10), te Odluke Upravnog odbora o raspisivanju Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2016. godinu broj: UO-01-3-1-14-4/2016 raspisao Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2016.godinu koji je objavljen u „Službenim novinama Federacije BiH-Oglasni dio“ broj: 18/16, dnevnim listovima „Dnevni avaz“ i „Večernji list“ dana 09.03.2016.godine, kao i na službenoj stranici Fonda: www.fzofbih.org.ba.

Na objavljeni Javni konkurs blagovremeno je dostavljeno 186 prijava. Nakon isteka roka za dostavljanje prijava, utvrđeno je da je dostavljena 1 neblagovremena prijava.

Radi ocjene dostavljenih prijava formirane su dvije Komisije i to:

- 1. Komisija za analizu prijava sa aspekta ispunjenosti formalno-pravnih uslova:** odgovorna je za analizu pristiglih prijava po objavljenom Javnom konkursu, te ima zadatak da izvrši analizu prijava koje su zadovoljile uslove za dalji nastavak procedure ocjenjivanja, te izradi izvještaj o analizi prijava sa aspekta ispunjenja formalno-pravnih uslova Javnog konkursa.
- 2. Komisija za stručnu ocjenu prijava:** odgovorna je za provedbu procesa stručnog ocjenjivanja prijava koje su pozitivno ocjenjene sa aspekta ispunjenosti formalno-pravnih uslova Javnog konkursa, a u skladu sa zadanim kriterijima, te ima zadatak da izvrši proces ocjenjivanja prijava i u skladu sa stručnom ocjenom utvrdi prioritete u odabiru pristiglih ponuda.

U toku provođenja postupka, a nakon utvrđivanja prijava koje zadovoljavaju propisane uslove Javnog konkursa, primijenjeni su kriteriji bodovanja, u skladu sa Pravilnikom o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti ("Službene novine FBiH", broj: 73/10).

Komisija je nakon stručne analize svih pristiglih prijava utvrdila rang listu prednosti, te dostavila prijedlog direktoru. Nakon ocjene Komisije, direktor Fonda je dao prijedlog Upravnom odboru radi odlučivanja o pristiglim prijavama u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10).

Imajući u vidu ocjenu prijava od strane Komisije za stručnu ocjenu, odlučeno je kao u izreci ove Odluke.

**Predsjednik Upravnog odbora
Mr. Pero M. Goluža, dipl.ing.**

Broj: UO-01-3-2-2-2/2016
Sarajevo, 27. 07. 2016. godine